



Gradonačelnik

Ul. Varoških polja b.b., tel/fax: 035/369-162, e-mail: opc.sreb@bih.net.ba, web: www.srebrenik.ba

Broj: 07-634/21

Datum: 14.06.2021. godine

Na osnovu člana 11. Privremene statutarne odluke Grada Srebrenik ("Službeni glasnik Grada Srebrenik", broj: 1/19 i 5/2020), Odluke o budžetu Grada Srebrenik za 2021.godinu („Službeni glasnik Grada Srebrenik“, broj: 4/21), te tačke II, podtačka 15. Programa utroška sredstava s kriterijima raspodjele sredstava, transfera i subvencija utvrđenih Budžetom Grada Srebrenik za 2021. godinu Službi za boračko invalidsku zaštitu i društvene djelatnosti Grada Srebrenik („Službeni glasnik Grada Srebrenik“, broj: 5/2021., gradonačelnik Grada Srebrenik raspisuje:

J A V N I P O Z I V

za predlaganje projekata i programa nevladinih organizacija i udruženja građana sa područja Grada Srebrenik koji će se finansirati iz Budžeta Grada

I

Raspisuje se Javni poziv za predlaganje programa i projekata nevladinih organizacija i udruženja građana za 2021. godinu, a u skladu sa potpisanim Sporazumom o saradnji između Općinskog vijeća, općinskog načelnika i nevladinih organizacija općine Srebrenik („Službeni glasnik općine Srebrenik“, broj: 9/15)

II

Finansiranje projekata nevladinih organizacija i udruženja građana ovim Javnim pozivom planirano je da se izvrši sa budžetske pozicije Tekući transferi udruženjima građana – Razna udruženja. Grad Srebrenik zadržava pravo da ne dodijeli sva raspoloživa finansijska sredstva u slučaju da prispijeli projektni prijedlozi po javnom pozivu ne zadovoljavaju zadane kriterije.

III

Uslovi za korištenje sredstava iz budžeta Grada Srebrenik:

a) da je projekat namijenjen građanima Grada Srebrenik, da se implementira na području Srebrenika i da će se implementirati tokom 2021.godine

b) prioritetne oblasti na koje se projekti odnose su:

1. Kultura, nauka i umjetnost - projekti koji afirmišu tradiciju i kulturne baštine naroda i nacionalnih manjina u Bosni i Hercegovini (izražavanja u muzici, književnosti, pozorištu, filmu, domaće i međunarodne izložbe, revije, promocije i afirmacija kulturnog nasljeđa. Finansiranje projekata iz ove oblasti vršit će se u vrijednosti manjoj od 3.000,00 KM

2. Podsticanje poduzetničkog duha i proizvodnja i prezentacija zdrave hrane (projekti koji promovišu poduzetnički duh kod pojedinaca s posebnim akcentom na proizvodnju zdrave hrane, edukacije grupa i pojedinaca (seminari, radionice, sajmovi i sportske manifestacije). Finansiranje projekata iz ove oblasti vršit će se u vrijednosti manjoj od 2.000,00 KM

3. Okoliš i zaštita životne sredine (projekti koji promovišu odgovoran odnos prema prirodi i unapređenju kvalitete ljudskog života)

Finansiranje projekata iz ove oblasti vršit će se u vrijednosti manjoj od 2.000,00 KM

4.Socijalna zaštita i ljudska prava (pomoć starim i bolesnim osobama, djeci bez roditeljskog staranja, hendikepiranim osobama, učesnicima i žrtvama rata, izbjeglicama i raseljenim licima, psiho-socijalni programi).
Finansiranje projekata iz ove oblasti vršit će se u vrijednosti manjoj od 1.500,00 KM

NVO koje žele učestvovati na javnom pozivu za odobravanje finansijske pomoći za njihove projekte i programe iz budžetskih sredstava Grada moraju ispunjavati sljedeće standarde i principe:

- imati svojstvo pravne osobe i djelovati na području Grada Srebrenik,
- da svojim djelovanjem promovišu vrijednosti civilnog društva i pridržavaju se "Kodeksa ponašanja za nevladin sektor u BiH" što dokazuju potpisanom izjavom o prihvatanju pravila propisanim ovim dokumentom (udruženja koja još uvijek nisu potpisala izjavu istu mogu potpisati u nadležnoj gradskoj Službi)
- da provode aktivnosti usmjerene na potrebe zajednice, rukovodeći se načelima djelovanja za opšte dobro,
- da imaju i vode transparentno finansijsko poslovanje i izvještaje o dosadašnjem radu i poslovanju,
- da sredstva dobijena iz budžeta ne smiju koristiti za finansiranje naknada svojih članova koje se već podmiruju iz budžetskih sredstava po posebnim propisima
- da sredstva koja im se dodijele ovim javnim pozivom odmah nakon završetka projekta, a najkasnije do kraja 2021.godine opravdaju resornoj Službi odgovarajućom dokumentacijom u protivnom gube pravo u narednom periodu na dodjelu sredstava, a nadležna Služba će pokrenuti postupak kod nadležnih organa za povrat dodijeljenih sredstava.

Programi / projekti koji se ne mogu sufinansirati iz ovih budžetskih sredstava su

- projekti koje predlože udruženja koja nisu registrovana u BiH i koja ne vode državljani BiH
- projekti kojima se podrazumijeva finansiranje plaća i drugih ličnih koristi članova udruženja
- projekti / programi koji se neće realizovati na području Grada Srebrenik i koji nisu namijenjeni građanima Grada Srebrenik.
- projekti koji se ne odnose na oblasti navedene u tački III Javnog poziva.
- projekti koji imaju isključivo komercijalni karakter , koji provode bilo koje aktivnosti političkih partija i čija je ukupna vrijednost veća od iznosa predviđenih za određenu oblast.

Sredstva se neće dodjeljivati organizacijama i udruženjima građana čija je djelatnost finansirana posebnim propisima i za koje su predviđena sredstva u budžetu Grada Srebrenik, odnosno koja koriste sredstva sa drugih budžetskih pozicija.

IV

Udruženja građana i nevladine organizacije koje svojim projektima/programima apliciraju na Javni poziv treba da dostave sljedeću dokumentaciju :

1. Jedinstven aplikacioni obrazac sa nazivom projekta
2. Prijedlog projektne aktivnosti sa:
 - pregledom budžeta projekta i narativnim dijelom,
 - planom aktivnosti realizacije projekta
 - planom potrošnje finansijskih sredstava
3. Rješenje o registraciji za aplikanta i za partnere ukoliko postoje,
4. Identifikacioni broj
5. Podaci o licu ovlaštenom za zastupanje,
6. Opisni izvještaj o realizovanim projektima u predhodnoj godini za ranije osnovana udruženja odnosno Program rada za novoformirana udruženja i nevladine organizacije
7. Završni godišnji finansijski izvještaj za prošlu godinu (bilans stanja i uspjeha)
8. Podaci o osobama koje realizuju projekat
9. Izvještaj sa računima , ugovorima i drugim dokazima o utrošenim sredstvima iz predhodne godine kada su im sredstva zadnji put dodijeljena, a koja do momenta otvaranja ovog poziva nisu opravdali.

10. Potpisana izjava o poštivanju Kodeksa ponašanja za NVO sektor

Projektne prijedlozi moraju biti urađeni u skladu sa LOD metodologijom koja je sastavni dio ovog poziva.

V

Organizacije i udruženja građana imaju pravo na ovaj Javni poziv prijaviti jedan projektni prijedlog .

VI

Ocjenjivanje i izbor projektnih / programskih aktivnosti vrši Komisija koju imenuje Gradonačelnik. Komisija se sastoji od 4 (četiri) člana od kojih je jedan predstavnik nevladinih organizacija i udruženja građana koja nisu aplicirala na javni poziv, a koji se imenuje od strane predstavnika udruženja. Prilikom vrednovanja Komisija će u skladu sa Pravilnikom o načinu vrednovanja prijedloga programskih / projektnih aktivnosti nevladinih organizacija i udruženja građana izvršiti vrednovanje svih pristiglih projektnih prijedloga koji ispunjavaju uslove ovog javnog poziva. Projekti / programi koji ostvare manje od 50% bodova od maksimalnog iznosa neće se moći financirati iz Budžeta Grada Srebrenik . Komisija zadržava pravo da traži od aplikanta da izvrši korekciju budžeta predloženog projekta ukoliko utvrdi da je isti nerealno postavljen i da su troškovi projektnih aktivnosti veći od stvarnih.

VII

Dokumentacija za prijavu na Javni poziv se može preuzeti od dana otvaranja javnog poziva u Službi za boračko invalidsku zaštitu i društvene djelatnosti Grada Srebrenik . Sva dokumentacija u elektronskoj verziji (cijeli paket prijavne dokumentacije) može se preuzeti sa web stranici Grada Srebrenik (www.srebrenik.ba).

Javni poziv ostaje otvoren 15 dana od dana objavljivanja. Prijave na javni poziv sa potrebnom dokumentacijom se dostavljaju u zatvorenoj kovrti preporučenom pošiljkom ili lično na pisarnici Grada Srebrenik sa obaveznom naznakom - Za javni poziv za OCD-a „Ne otvaraj prije zvaničnog otvaranja“, na sledeću adresu:

GRAD SREBRENİK
Služba za boračko invalidsku zaštitu i društvene djelatnosti
Ul. 211. Varoških polja bb bb
75350 Srebrenik

Projektne prijedlozi koji ne budu dostavljeni u propisanoj formi, koji ne budu kompletni i blagovremeni neće se uzeti u razmatranje.

Gradonačelnik:
dr.sci. Nihad Omerović